



TOSHKENT DAVLAT YURIDIK UNIVERSITETI REKTORINING B U Y R U G ' I

30.05.2024

332-tm-son

Talabalarga hayfsan e'lon qilish to'g'risida

Bugungi kunda universitetda yuqori malakali yuridik kadrlarni tayyorlash maqsadida talabalarni ma'naviy-axloqiy tarbiyalash, ularning huquqiy madaniyati va ongini oshirish bo'yicha samarali tizimni yaratish, ularda yuksak ma'naviy-axloqiy fazilatlarni shakllantirish hamda rivojlantirish maqsadida bir qator kompleks chora-tadbirlar amalga oshirilmoqda.

Hududlardan kelib tahsil olayotgan talabalarni turar joy bilan ta'minlash, ular uchun munosib shart-sharoitlar yaratish, bu jarayonda ayniqsa ijtimoiy himoyaga muhtoj oila farzandi bo'lgan talabalarni keng qamrab olishga alohida e'tibor qaratilmoqda.

Shunga qaramasdan ayrim talabalar tomonidan universitet Odob-axloq kodeksi va ichki tartib qoidalarini buzish holatlari kuzatilmoqda.

Xususan, 2024-yil 8-may kuni taxminan tungi soat 00-00 larda Jinoiy odil sudlov fakulteti 1-kurs talabalari Do'stmamatov Sevinchbek G'ayrat o'g'li, Ro'ziboyev Shohjaxon Bekzod o'g'li, Axtamov Umarjon Faxriddin o'g'lilari universitetning 1-sonli Talabalar turar joyi 322-xonasida spirtli ichimliklar sirasiga kiruvchi "Sarbast" nomli pivo ichimligini iste'mol qilishgan. Mazkur holat yuzasidan talabalardan tushuntirish xatlari olinganida talabalar "Sarbast" nomli spirtli ichimlikni ichish maqsadida o'zaro pul yig'ishganligi va ushbu spirtli ichimlikni talaba Sh.Ro'ziboyev olib kelganligi aniqlangan.

Bundan tashqari, 2024-yil 17-may kuni taxminan tungi soat 23-30 larda Jinoiy odil sudlov fakulteti 1-kurs talabalari Boboxonov Ziyodullo Erkin o'g'li, Jahongirov Elnur Asqar o'g'li, Xotamov Saidshirinxon Soxibxon o'g'li, 2-kurs talabasi Eshpo'latov Nazarbek Ozodbek o'g'lilari universitetning 1-sonli Talabalar turar joyi 320-xonasida spirtli ichimlik hisoblangan "Sarbast" nomli pivo ichimligini iste'mol qilishgan. Mazkur holat yuzasidan talabalardan tushuntirish xatlari olinganida talabalar "Sarbast" nomli spirtli ichimlikni ichish maqsadida o'zaro pul yig'ishganligi va ushbu spirtli ichimlikni talaba Ro'ziboyev Shohjaxon Bekzod o'g'li talabalar turar joyining tashqari qismini o'rab turgan panjara oldigacha olib kelganligi, panjaraning oldidan 320-xonagacha esa talaba Abdig'aniyev Ikrombek Suxrobbek o'g'li olib kelganligi aniqlangan.

Shuningdek, Jinoiy odil sudlov fakulteti 1-kurs talabasi Abdujalilov Sayyodjon Hayotjon o'g'li 1-sonli Talabalar turar joyi 320-xonasida istiqomat

qilgan holda yuqorida ko'rsatilgan talabalarning xonada spirtli ichimlik iste'mol qilganligiga guvoh bo'la turib, mazkur hodisa to'g'risida TTJ ma'muriyati yoki fakultet dekanatiga xabar bermagan yoki o'zi bilan birga istiqomat qiluvchi talabalarning spirtli ichimliklar iste'mol qilishiga qarshilik qilmagan.

Talabalar S.Do'stmamatov, Sh.Ro'ziboyev, U.Axtamov, Z.Boboxonov, E.Jahongirov, S.Xotamov, N.Eshpo'latov, I.Abdig'aniyevlar o'zlarining yuqoridagi xatti-harakatlari bilan TDYU Talabalar turar joyi Ichki tartib qoidalari 38-moddasi, 1-qismi, 9-xatboshisi (TTJ hududida mast holatda bo'lish, spirtli ichimliklar, tamaki mahsulotlar saqlash yoki iste'mol qilish) TDYU Odob-axloq kodeksi 17-moddasi 1-qismi 2-xatboshisi (alkogol va tamaki mahsulotlari iste'mol qilish va tarqatish)da ko'rsatib o'tilgan qoidalarni, talaba S.Abdusalilov TDYU Odob-axloq kodeksi 26-moddasi 2-qismi 9-xatboshisi (biron-bir noxush voqea yoki hodisa ro'y bersa, u haqda zudlik bilan Universitet rahbariyatiga xabar berish)da ko'rsatib o'tilgan qoidalarni buzishgan.

Yuqoridagilarni inobatga olib, Oliy ta'lim to'g'risidagi nizom (ro'yxat raqami 1222, 2003-yil 22-fevral) 51-bandi va universitet rektorining 2023-yil 31-maydagi 81-son buyrug'i bilan tasdiqlangan Toshkent davlat yuridik universitetining Ichki tartib qoidalari 83-bandiga asosan hamda Jinoiy odil sudlov fakulteti dekani D.Kamalovning bildirgisiga muvofiq,

B U Y U R A M A N:

1. Jinoiy odil sudlov fakulteti 1-kurs talabalari Do'stmamatov Sevinchbek G'ayrat o'g'li, Ro'ziboyev Shohjaxon Bekzod o'g'li, Axtamov Umarjon Faxriddin o'g'li, Boboxonov Ziyodullo Erkin o'g'li, Jahongirov Elnur Asqar o'g'li, Xotamov Saidshirinxon Soxibxon o'g'li, Abdig'aniyev Ikrombek Suxrobbek o'g'li, 2-kurs talabasi Eshpo'latov Nazarbek Ozodbek o'g'liga Talabalar turar joyi Ichki tartib qoidalari 38-moddasi, 1-qismi, 9-xatboshisi, Odob-axloq kodeksi 17-moddasi 1-qismi 2-xatboshisi talabalarini buzganligi uchun hayfsan e'lon qilinsin hamda talabalar turar joyidan chiqarilsin.

2. Jinoiy odil sudlov fakulteti 1-kurs talabasi Abdusalilov Sayyodjon Hayotjon o'g'li Odob-axloq kodeksi 26-moddasi 2-qismi 9-xatboshisi talabalarini buzganligi uchun hayfsan e'lon qilinsin hamda talabalar turar joyidan chiqarilsin.

3. Fakultet dekanlari (Sh.Saydullayev, D.Kamalova, B.Musayev, D.Umarxanova, O.Babadjanov) mazkur buyruq bilan talabalarning shaxsini sir saqlagan holda universitet talabalarini tanishtirsin.

4. Jinoiy odil sudlov fakulteti dekani (D.Kamalova):
mazkur holat takror sodir etilsa, talabalarni talabalar safidan chetlashtirish mumkinligi to'g'risida ogohlantirsin;

mazkur talabalarning shaxsiy hujjatlar yig'majildiga buyruq nusxalari tikilishini ta'minlasin.

5. Mazkur buyruq bajarilishini nazorat qilish birinchi prorektor

A.Xashimhonov zimmasiga yuklansin.

**Ilmiy ishlar va innovatsiyalar
bo'yicha prorektor**



B.XODJAYEV

Toshkent shahar

Kiritildi:

Dekan (Fan nomzodi yoki falsafa
doktori (Ph.D) ilmiy darajasiga yoki
xorijiy davlatlarning unga
tenglashtirilgan boshqa ilmiy
darajalariga yoki dotsent ilmiy
unvoniga ega bo'lgan)

D.KAMALOVA

**Kelishildi:**

Direktor

SH.PO'LOTOV



yuriskonsult

D.ALIBOYEV

